

مع السلامة

مع السلامة مابقالك معي شين
كود الغلا لاتاخذه لو تكرمتم
كانك تبي بالدين خذها على الدين
وكانك تبيها بالعقل؟ ماتندمت
لاني عرفت ان كلبونا مساكين
ياما على حالي وحالك ترحمت
فكر وشوف دروب قلبك على وين
وشفيك طالع طقتك ماتعلمت؟
والله صافطلك وشفت الطريقين
ماني عدوك لو كذا ماتكلمت
يابوي ربي ما قسم بين الاثنين
وش حيلتي ياما وياما تعشمت
مبطي وانامن عام تسعه وتسعين
ايه اعترف عن شوف غيرك تلطمت
لا عاد لي قلبن ولا عاد لي عين
ايه اعترف والعام هذا تفهمت
حطيت نفسي بعدها بين قوسين
عرفت بأنه حلم لو ماتحلمت
نضحك على انفسنا واحبك وبعدين؟
لا عاد ترجع للورى ولا تقدمت
يابوي والله كلبونا مساكين
مع السلامة واتركن لو تكرمتم

عبدالكريم الجباري

افكار افكار

ياكثر افكار توارد في مخيلتي
ياكثر ماصدها وكني ادللها
لاواعذابي بليلي وعز قايلتي
الكل منهن تبي مني اسجلها
هذي شطبنا عليها تحز عايلتي
وهذي مابيه سبقني شخص قايلها
وهذي مابيه صغيره بحق منزلتي
وهذي لكيتها وازريت اكملها
وهذي اذا قلتها قالوا تعيلتي
وهذي اهييء لها جو وانزلها
ياكثر اوراق ودفاتر فوق طاولتي
من غير اجنات امليها واقفلها

عابرة سبيل